

25. januar 2008
16.10.2007

UPA 2008/17
UKA 2007/62

Peqqussutissatut siunnersuummut oqaaseqaatit

Nalinginnaasumik ataatsimut oqaaseqaatit

1. Peqqussutissatut siunnersuuteqarnerup tunuliaqtaa

Siunnersuummi pingartinneqarpoq suliffeqarnermi susassaqtut maannamiit annertunerusumik inuussutissarsiutinut ilinniartitaanerup suliassa qarfiini sunniuteqartinneqalernissaat, siammasinnerusumik pisariaqartitsinerlu tunngaviginerullugu suliniutit aqqissuunneqarnissaat siunertaralugu. Taamatut tunngaveqarluni siunnersuutigineqarpoq inuussutissarsiutinut ilinniartitaanerup suliassa qarfiini pikkorissaanernut brancheskole-it avataanni maannamiit annertunerusumik tapiissuteqartalersinnaaneq. Pikkorissaanissanut aningaasaliissutit atugassangortinneqartarnerat ilaatigut Piginnaasat ineriartortinnissaat pillugu siunnersuisoqatigiinnit inassuteqaatit tunngavigalugit pisarpoq. Kiisalu siunnersuut aamma siunertaqarpoq peqqussummi aalajangersakkat aningaasanut inatsimmi aalajangersakkanut naapertuuttunngorsaanissamik.

Ilutigitillugulu maleruagassani atuuttuni naleqqussartariaqalersimasut ataasiakkaat periarfissaq iluatsillugu iluarsineqarput, ilaatigut inuussutissarsiutinut ilinniartitaanermi suliassa qarfiit allannguuteqarsimanerisa kingunerisaannik.

2. Peqqussutissatut siunnersuummi qulequttat pingaarnertit

a) Inatsisit atuuttut

Inatsisartut peqqussutaata taaguutaa kiisalu kapitalit 8-aanni qulequtaq "inuussutissarsiutinut ilinniartitaanermi pikkorissaanertit" atorineqarpoq.

Tamatumalu saniatigut arlalitsigut allassimavoq, ilaatigut maanna atuuttumi Inatsisartut inuussutissarsiutinut ilinniartitaaneq aamma inuussutissarsiutinut pikkorissartitsisarnerit pillugit peqqussutip § 11-imi allassimavoq inuussutissarsiutinut ilinniartitaanertit isumagineqassasut Kulturimut, Ilinniartitaanermut Ilisimatusarnermullu Pisorta qarfimmii, soorluttaaq § 3-mi innersuussisoqartoq Kulturimut, Ilinniartitaanermut Ilisimatusarnermullu Naalakkersuisumut.

Aammattaaq Inatsisartut peqqussutaanni § 22, imm. 1 aamma 2-mi ersippoq, suliassaqarfimmi akisussaasut aalajangersaavigisassagaat siunnersuutit, ilinniagassat tunngaviusut, fag-it suliassaqarfiit, fag-it immikkut ittut fag-illu immikkut toqqarneqarsinnaasut ilinniakkanut ataasiakkaanut atuuttut, kisiannili erseqqissarneqarsimanani akuersissuteqartarneq aamma ilinniagassanut pilersaarutitut ataatsimut atuuttuusoq.

Kiisalu Inatsisartut peqqussutaata § 47, imm. 2-ani aalajangersarneqarpoq pikkorissaanerit tapiissuteqarfigineqarsinnaasut Inuussutissarsiutitut ilinniarfinit ingerlanneqartussaasut, peqqussummullu oqaaseqaatini allassimasut naapertorlugit tamanna paasineqartussaalluni pikkorissaanerit taamaallaat Inuussutissarsiutitut Ilinniarfinit ingerlanneqarsinnaasut. § 47 imm. 3 naapertorlugu pikkorissaanernut allanit ingerlanneqartunut taamaallaat tapiissuteqartoqarsinnaavoq pikkorissaasartut allat ingerlataannut inuit ataasiakkaat peqataanerit pineqarpat, pikkorissaanerillu misileraalluni ingerlatsinerit kisiisa eqqarsaatigalugit.

Taapiissuteqarfigineqarsinnaasut siunnerfiusut eqqarsaatigalugit § 47 imm. 1-imi nalunaarneqarpoq tapiissuteqartarneq suliamik ilinniagaqarsimasut suliameillu ilinniagaqarsimanngitsut, tassungalu ilanngullugit suliffissaaleqisut pineqartut, kisiannili ersarissumik nalunaarneqarsimanani assersuutigalugu namminersortutut inuussutissarsiuteqartut suliassaqarfinni aalajangersimasuni, immikkut piorsaaviginiarneqartuni, soorluttaaq peqqussummi ersarissumik nalunaarneqanngitsoq sullitassatut siunnerfigisat ilinniagaqarsimassusiat qanoq ittuusariaqarnerisooq.

b) Siunnersuut

Oqariaatsip "inuussutissarsiutitut ilinniartitaanermi pikkorissaanerit" allannortinneqarnissaa imaalillugu " pikkorissanerit inuussutissarsiutitut ilinniagaqarnermut tunngasut", siunertaqarpoq pikkorissaaneq suugaluarpalluunniit pikkorissaaneq suli inuussutissarsiuteqarnermut tunngasuussasooq.

Tamatumalu saniatigut erseqqissarneqarpoq pikkorissarnissanik akuersissuteqartarnermi ilinniartitaanermut pilersaarutit tamakkiisut pineqartut, fag-illu ataasiakkaaginnaat pineqanngitsut. Kiisalu siunnersuutigineqarpoq suliassaqarfinnik allannortitsinerup kingunerisaanik tamakkiisumik assigiimmillu allanguinissat, soorluttaaq anguniarneqartoq inuussutissarsiutitut ilinniartitaanermi ilinniagaqartut sungiusaammik suliffeqarneranni akissarsiaqarnikkut ilinniagaqarnerisuteqarnikkullu atugassaqaqartitaanerit pillugu illersugaanerisa ersarissaavigineqarnissaat.

Siunnersuummi siunertaq pingarneq tassaavoq pikkorissartitsinerit tapiissuteqartarnerup maleruagassiuunnissaa, branncheskole-it avataanni pikkorissaanerit neqeruutigineqarsinnaasut eqqarsaatigalugit, pikkorissaanerit brancheskole-nit neqeroorutigineqanngikkaangata, taamalu pikkorissaanissamik neqerooruteqarnerit pisariaqartitsinerimik tunngaveqarnerusuutinniarneqarlutik, neqerooruteqarsinnaassutsimik tunngaveqaratik. Kisiannili suli pingaarnertut tunngaviusssaaq Inuussutissarsiornermi Ilinniarfinniit pikkorissaanermi pineqartuni qitiunerat. Pikkorissaanermik ingerlatsisartut eqqarsaatigineqarnerusut tassaapput

Piareersarfiit, soorluttaaq pikkorissaasartut allat atorneqarsinnaasut. Tassungalu atatillugu pikkorissaanerit sumi ingerlanneqarsinnaanerannik killiliisoqanngilaq, kisiannili naatsorsuutigineqarluni nalinginnaasumik pikkorissaanerit Kalaallit Nunaanni ingerlanneqartassasut.

Tapiiffigineqartartunik pikkorissaanernik ingerlatsisarnerni siunertaasoq tassaavoq inuussutissarsiornermi sulisoqatigiiat piukkunnarsarneqartuarnissaat, minnerunngitsumillu inuussutissarsiornermi sulisoqatigiiat suliffeqarnermi piumasarineqartunik naammassinninniarnermi ajornartorsiortutut isigineqarsinnaasut. Tassungalu atatillugu siunnersuutigineqarpoq pikkorissaanerit annerpaamik inuussutissarsiornermi ilinniartitaanerni suliamik ilinniagarsimasunut saaffiginnittuussasut. Fag-itigut ilinniagaqarsimassutsimi tunngaviusussat ersarinnerusumik nalunaarusiornermi maleruagassiuunneqarnissaat naatsorsuutigineqarpoq.

Namminersorlutik inuussutissarsiuteqartut eqqarsaatigalugit naatsorsuutaavoq tapiissuteqartoqarsinnaasasooq, namminersortunut assersuutigalugu inuussutissarsiutini ineriartortitsiviusussatut isigineqartuni kisimiilluni ingerlatsisuusunut, taakkua assersuutigalugu ilinniagaqarsimassutsimikkut annerusumik sivikitsumillu inuussutissarsiutinut ilinniartitaanerup iluani ilinniagaqarsimappata.

Naatsorsuutigineqarpoq nalunaarusiornermi aalajangersarneqassasooq, tapiissutit annertunerpaatigut angalanernut najugaqarnernullu aningaasartuutinut atorneqartassasut, kisiannili pikkorissarnermi aningaasartuutinut ullormusianullu pinnagit. Kisiannili ilanngullugu naatsorsuutigineqarpoq nalunaarummi aalajangersaasoqassasooq ullormusiaqartitsisoqarsinnaasooq pikkorissaasut tapiiffigineqarsinnaasunik pikkorissaanernik ingerlatsineranni, taakkunani ullormusiat sulisitsisunit aningaasartuutaasussaasarmata.

3. Pisortat ingerlatsineranni aningaasatigut allaffissornikkullu kingunerisassai

Peqqussutissatut siunnersuut aningaasartuuteqarneq eqqarsaatigalugu Namminersornerullutik Oqartussanut kommuninulluunniit kinguneqartussatut nalilerneqanngilaq.

4. Inuussutissarsiortut ingerlatsineranni aningaasarsiornikkut allaffissornikkullu kingunerisassai

Peqqussutissatut siunnersuut inuussutissarsiornermik ingerlataqartunut aningaasarsiornikkut allaffissornikkulluunniit kinguneqartussatut naatsorsuutigineqanngilaq. Naatsorsuutigineqartariaqassarli sulisorisat inuussutissarsiutini ineriartortitassatut isigineqartuni pikkorissarnissaminnut ilinniaqqinnissaminnullu periarfissaginnerulissasut, pisariaqartitsinermik aqutsinerup pitsaangorsaavigineqarneratigut, pikkorissaanernilu taamatut ittuni tapiissuteqarnissamut periarfissaginnerulerneratigut.

5. Pinngortitamut avatangiisinullu sunniutissai

Peqqussutissatut siunnersuut pinngortitamut avatangiisinullu sunniuteqartussatut isigineqanngilaq.

6. Innuttaasunut allaffissornikkut sunniutissai

Peqqussutissatut siunnersuut innuttaasunut allaffissornikkut sunniuteqartussatut isigineqanngilaq.

7. Naalagaaffeqartigiinnermut namminersornermullu sunniutissai

Sulisorisat piginnaangorsarneqarnerisa ingerlaavartut ilaattut suliniutit siunertaqarput avataaniit suliartortartut killilersimaarneqarnissaannik, namminersornermullu annerusumut ineriartornerup ilaatut isigineqassalluni.

8. Pisorta qarfinnut soqutigisaqaqatigiinnullu tusarniaaneq

Peqqussutissatut siunnersuut tusarniaassutigineqarsimavoq ukununnga:

Aningaasaqarnermut Pisorta qarfik
Akileraartarnermut Pisorta qarfik
Inuussutissarsiornermut Pisorta qarfik
Kulturimut, Ilinniartitaanermut, Ilisimatusarnermut Ilageeqarnermullu Pisorta qarfik
Brancheskole-it
KNAPK
KANUKOKA
SIK
Kalaallit Nunaanni sulisitsisut peqatigiiffiat
NUSUKA
ILIK
AK
Piginnaasat ineriartortinnissaat pillugu siunnersuisoqatigiit Peqqissaanermik
Ilinniarfik

Akileraartarnermut Pisorta qarfimmit aamma Peqqissaanermut Ilinniarfimmit tusarniaanermi akissutisisoqarpoq, siunnersuisiornermi ilanngunneqartunik.

Tamatumalu saniatigut tusarniaanermi Inuussutissarsiornermut Pisorta qarfimmit, GA-mit, Inuussutissarsiornermut Ilinniarfinit, Piginnaasat ineriartortinnissaat pillugu siunnersuisoqatigiinnillu akissutisisoqarpoq, akissutillu ilaannakuusumik peqqussutissatut siunnersuummi atorneqarput.

Aamma AK-miit tusarniaanermi akissutininik tigusaqartoqarpoq, pikkorisaanerni tapiiffigineqarsinnaasuni angujumaneqartut killeqarpallaartut, arlariinnillu ilinniagaqarsimasut periarfissaat killilersorneqartoq, naak taakkua maanna atorfigisaminni pikkorissaqqinnissamik pisariaqartitsisinnaagaluartut, soorluttaaq Kattuffiup sinniisut pikkorissartinneqartarnerannut tapiissuteqarsinnaaneq isumaqatiginngikkaa. Tunngavilersuummut siullermut atatillugu oqaatigineqassaaq tapiissuteqarfigineqarsinnaasut inuussutissarsiutinut ilinniartitaanernut sammititaanerat pissusissamisoortoq, pineqartut tassaammata inuussutissarsiutinut ilinniartitaanerit, soorluttaaq sulinermik inuutissarsiuteqartut allat, soorlu ilinniagartuut il.il. allatulli annertutigisumik inuussutissarsiutinut ilinniartitaanermi pikkorissartinneqarnissaat pisariaqartinneqanngitsoq, aammalu pineqartut annertusaavigineqassagaluarpata suliassaqarfimmi aningaasaliissutaasartunut sanilliullugu tapiissuteqarsinnaaneq nalikillivallaassasoq. Sinniisunik pikkorissartitsisarnernut tapiissuteqarsinnaanermut periarfissaqartitsineq isiginiarneqassaaq pisortat pikkorissartinneqarneranni tapiissuteqarsinnaanermut sanilliullugu, soorluttaaq suli aalajangiisuusoq pikkorissarnerit pineqartut suliffeqarnermut atatillugu piginnaangorsaasuunerat, aammalu tapiissuteqarsinnaanermut apeqquut pikkorissaanissap qulequtaanit aalajangerneqarani pikkorissaanerup imarisaanit aalajangerneqartassasoq.

Kulturimut, Ilinniartitaanermut, Ilisimatusarnermut Ilageeqarnermullu Pisortaqarfik nalunaarpoq paasiuminaatinneqartoq pikkorissaanermi neqerooruteqarsinnaasut Inuussutissarsiornermi ilinniarfinnut killilerneqarmata, siunnersuutigineqarporlu pikkorissaanernik neqerooruteqarsinnaasut siammasinnerulersinneqassasut. Tassungalu oqaatigineqassaaq siunnersuummi siunertarineqarpiartoq pikkorissaanernik neqeroorutigineqarsinnaasut amerlinissaat, pikkorissaanerit Inuussutissarsiutinut Ilinniarfinit neqeroorutigineqariinngikkaangata.

Kiisalu tusarniaanermi akissutininik KANUKOKA-mit tigusaqartoqarpoq, siunnersuummut tapersiinerminik nalunaaruteqartumut, soorluttaaq KNAPK aamma ILIK siunnersuutaasunut oqaaseqaateqanngitsut.

Peqqussutissatut siunnersuutip immikkoortuinut oqaaseqaatit

§ 1-imut

Nr. 1-imut

Allannguutissatut siunnersuutaasut siunertaqarput tapiissuteqarsinnaanerup nalilerneqarnerani inuussutissarsiornermi ilinniartitaanerit suliassaqarfiini pikkorissaasinnaanerit siammasinnerusumik nalilersorneqartarnissaannik. Inuussutissarsiutinut ilinniagaqartarneq inuussutissarsiornermi piginnaanernik pilersitsisarpoq, inuussutissarsiulernissamat piareersaataasunik. Taamaattumik aalajangiisuvoq pikkorissaanerit peqataasut inuussutissarsiornermi piginnaaneqarnerulernissaanik pilersitiffiusarmata, suliffeqarnermi

pisariaqartinneqartunut naapertuuttunik, aammalu peqataasut piginnaangorsarneqassasut suliffeqarnermi atorsinnaasaannik, taamaalillutillu peqataasut suliffeqarnermi piumasarineqartunut unammillersinnaasumik inissisimalersillugit.

Nr. 2-mut

Allannguutissatut siunnersuut aaqqissuussinermut tunngavoq, allannguummillu nr. 1-imik tunngaveqarluni.

Nr. 3-mut

Nr. 1-itut.

Nr. 4-mut

Allannguutissatut siunnersuuteqarneq pissuteqarpoq suliassaqarfiit 15. april 2006-imi allannguuteqartinneqarnerannik, taamalu inuussutissarsiutinut ilinniartitaanerit nuunneqarlutik, Inuussutissarsiornermut, Suliffeqarnermut Inuussutissarsiutinullu ilinniartitaanernut Naalakkersuisoqarfimmut. Inuussutissarsiutinut ilinniartitaanerup immikkoortillugu uani pineqarneratigut siunissami suliassaqarfinnik allannguisinnaaneq sillimaffigineqareerpoq.

Nr. 5-imut

Normu 4-mitulli.

Nr. 6-imut

Allannguutissatut siunnersuummi tunngavigineqarpoq kissaatigineqarmat ersarissanissaq, akuersissuteqartarnermik pisussaaffiliinermi ilinniartitaanermut pilersaarut tamarmi pineqartoq, ilinniagassat assigiinngitsut tamaasa eqqarsaatigalugit, ilinniakkanillu nutaanik aallartitsisinnaanermi akuersisarneq kisiat pineqarani. Allannguinissamik siunnersuutit isigineqassapput ilinniagaqarnermik aaqqissuussinerit atuarnerup fag-iinik tunngaveqartut, ilinniartitaanermi pilersaarutini ilinniagaasussami immikkuualuttut ataatsimoortut katitsigaasarneri pineqarmata. Aalajangersagaq isumaqarpoq ilinniartitaanermi pilersaarutit Inuussutissarsiornermi ilinniartitaanermut Pisortaqarfimmit akuerineqartussaasut.

Nr. 7-imut

Nr. 6-imi allannguinerit kingunerisaannik iluarsineruvoq, § 22-mi atuuttumi aalajangersakkat siunissami ilinniartitaanermut pilersaarummut ilaatinneqartussaammata.

Nr. 8-mut

Allannguutissatut siunnersuut tunngaveqarpoq ersarissanissamik kissaateqarnermik, naak ilinniagaqartoq isumaqatigiissutaasut naapertorlugit sungiusaammik sulinermini akissarsiaqartinneqartussaagaluartoq, ilinniagaqartoq sulii periarfissaqartinneqassasoq immikkut tapiissutit ilinniagaqarnermiuteqarnermi malittarisassat naapertorlugit pissarsiaqarsinnaanermut. Tamanna isumaqarpoq, ilinniagaqartoq sulii angalanissamut akiliunneqarsinnaasoq, kisiannili ilinniagaqarnermi utinuuungitsoq.

Imm. 2.-mi ersarissarneqarpoq ilinniagaqarnermiuteqarnermut malittarisassat ilinniagaqartup ilinniartarfimmi atuarnerni aamma atuuttut. Tamatuma kingunerisaannik ilinniagaqartoq aamma pissutissaqarpat ilinniagaqarnermiuteqarsinnaatitaavoq, sungiusaammik sulineq ilinniagaqarfimmi ingerlanneqarpat.

Nr. 9-mut

Nr. 1-imisulli.

Nr. 10-mut

Aalajangersakkap kingunerisaannik pikkorissarnernut assigiinngitsunut assigiinngitsunik tapiissuteqartoqarsinnaalissaaq. Ersarinnerusumillu aalajangersaanissaq nalunaarut aqqutigalugu isumagineqassasoq naatsorsuutigineqarpoq.

Tapiissuteqartarnermi siunnerfiusut tassaapput suliffeqarnermi suliamik ilinniagaqartut aamma suliamik ilinniagaqannngitsut, soorluttaaq inuussutissarsiutit ilaanni siuarsarniarneqartuni, maannakkutut angalanernut najugaqarnernullu aningaasartuutitut tapiissuteqartoqarsinnaasoq, inuussutissarsiuteqartut minnerusut pikkorissarnernut peqataasarnernut.

Pingaarnertut pineqarput nunalerinermi, aalisarnermi piniarnermilu inuussutissarsiuteqartut. Siunnersuutigineqarpoq suliamik ilinniagaqarsimanngitsunut ilinniagaqarsimasunullu pikkorissaanerit, tassunga aamma ilanngullugit suliffissaaleqisunut, saaffiginnittuussasut annerpaamik suliamik ilinniagaqarsimasutut inuussutissarsiutitut ilinniartitaanerit iluanni ilinniarsimasunut. Tamanna tunngaveqarpoq, nalinginnaasumik oqaaseqaatini nalunaarneqareersutut, inuussutissarsiortut tassani pineqartut suliffeqarnermi piumasarineqartunik naammassinninniarnermi immikkut pisariaqartitsisuummata,

soorluttaa q naatsorsuutigineqartoq inuussutissarsiorlut allat qaffasinnerusumik ilinniagaqarsimasut aningaasaliissutit allat atorlugit isumagineqassasut. Tassungalu atatillugu suliamik ilinniagaqarsimasunut ilinniagaqarsimanngitsunullu pisortatut ingerlatsinnermi pikkorissaanernut tapiissuteqartoqarsinnaanera periarfissaqarpoq, aammalu sinniisunik pikkorissaanernut tapiisoqarsinnaasoq.

Namminersortunut pisortanullu tunngatillugu siunnersuutigineqarpoq, taakkua annerpaamik ingerlaqqiffiusumik naatsumik ilinniagaqarsimasuussasut, inuussutissarsiutinut ilinniartitaanerit iluanni, tamannalu imatut paasineqassalluni ilinniartitaanerit aqputigalugit pikkorissarnertigut ingerlaqqiffiusumik piukkunnarsarsimanertut. Pikkorissarnernut tapiiffigineqarsinnaasunut piumasaqaatit ersarinnerusut, tassunga ilanngullugit pikkorissarnerit sivilissusiat, tapiissuteqarsinnaanernut piumasaqaatit, tapiissutit tunniuneqartarnerat, tapiissutit annertussusissaat ilaatut ilanngullugit maannatut nalunaarummi aalajangersakkat aqputigalugit malittarisassiuunneqassapput.

Naatsorsuutigineqarporlu tassunga atatillugu nalunaarut aqputigalugu maleruagassiortoqassasoq, pikkorissaanerit piginnaanngorsaaneermik siunertaqartut pingaartinneqarnissaanik, tassungalu ilanngullugit ilinniaqqinnerit, soorluttaa periarfissaqartitsisoqassasoq inuttut ineriartorneq aqputigalugu piginnaanngorsarnerit ingerlanneqartarnerannut, tamanna nalilerneqarpat fag-itigut ineriartornissamut aalajangiisuusumik pingaaruteqartoq. Pikkorissaanerit taakkua tunngaviusumik inuit ataasiakkaat ineriartornissaannut pilersaarutinik suliffissaaleqisunut sammititaasunik tunngaveqarnissaat naatsorsuutigineqarpoq, imaluunniit modul-ikkaartumik piginnaanngorsaqqiinerup ilaatut aqqissuussaassallutik.

Taamaallaallu tapiissuteqartoqarsinnaasassaaq aningaasanut inatsimmi aningaasaliissutaasimasut iluanni.

Aalajangersakkap imm. 2-a malinnaatitsilluni naqqiineruvoq, imm. 3-mi aalajangersakkap qasuterneqarneratigut.

Aalajangersakkalli immikkoortuani 3-mi siunnersuutigineqarpoq periarfissamik ikkussisoqassasoq, suliaasaqarfimmi pikkorissaaneermik ingerlataqartartut allat neqeroorutigisartagaannut tapiissuteqarsinnaaneermik. Taakkua tassaasinnaapput pikkorissaanerit Piareersarfinnit ingerlanneqartut, imaluunniit pikkorissaasartunit namminersortunit. Kingulliit taaneqartut eqqarsaatigalugit pikkorissaanerit tassaasinnaapput assiliartalersuisartunut imaluunniit qarasaasialerinnermut attuumassuteqartunut imaluunniit motorinut ilisimasaqarnerulernissamik pikkorissaanerit, il.il.. Naatsorsuutigineqarpoq ammaassinerup kingunerissagaa piumassuseqarneruleneq ineriartorneq inuussutissarsiutinut ilinniartitaanerup suliaasaqarfiini pikkorissarnerit eqqarsaatigalugit, taamaaliornikkut pikkorissarnerit pisariaqartitsinermik aallaaveqarnerulissammata.

Kiisalu imm. 4-mi siunnersuutigineqarpoq taamaallaat tapiissuteqartoqarsinnaasoq qinnuteqaammik nassiussaqaarsimanermik tunngaveqartumik. Aammattaaq taamaallaat tapiissuteqartoqarsinnaavoq pikkorissaanernut qinnuteqarneq tunngavigalugu tapiiffigineqarnissamik pikkorissaanissaq sioqqullugu

neriorsorneqareersimasunut, taamaalillunilu "pikkorissaareersimalluni"
qinnuteqarnerit aningaasaliiffigineqarsinnaanatik. Kingulleq tunngaveqarpoq
naatsorsuutigisariaqarmat pikkorissaaneq ingerlannerareersimappat,
tapiissutitaqanngitsumik ingerlanneqarsinnaasutut naatsorsuutigineqarsimassasoq.

Nr. 11-mut

Siunnersuutigineqarpoq ersarissumik pisinnaatitsisoqassasoq qinnuteqarnermi
immersugassanik aalajangersimasunik atuisassaataaermit assersuutigalugu
tapiissutinik qinnuteqarnermi. Immersugassami isumannaarneqassaaq qinnuteqartut
paasisutissat tamakkerlugit nassiuttassagaat qinnuteqaatip nalilersorneqarnissaani
atorfissaqartinneqartut, nalilersuisoqarsinnaaqullugu pikkorissaaniarnermut
pineqartumut tapiissuteqarnissamut pissutissaqartoqarnersoq.

Tamatumalu saniatigut siunnersuutigineqarpoq ersarissumik pisinnaatitsisoqassasoq
tapiissutigineqarsinnaasut angissutsit maleruagassaqartinneqarnissaannut,
Inuussutissarsiutinut Ilinniartitaanermit Pisortaqaarfimmit aalajangersarneqartunik,
taamaalillunilu najugaqarnermi aningaasartuutinut assersuutigalugu ullormut
aalajangersimasumik aningaasartalikkamik tapiissuteqartoqarsinnaanngorlugu.

§ 2-mut

Siunnersuutigineqarpoq Inatsisartut peqqussutaat 1. januar 2008
atortuulersinneqassasoq.